

瓊州府志卷之二十一

海黎志七 關隘

瓊山縣

水尾巡司在縣西南二百四十五里雍正八年設

水尾汛鎮標右營派防把總一員兵四十名為

防黎要汛舊志有石山巡司在縣南七十里明

洪武中置今裁一統大清縣志有感恩英田二

柵在縣西北十里明洪武間設方輿紀要有居

缺洞在府西界又云縣有九崗而居野居缺為

最大周百二十里今查縣境二柵已廢亦無居

野居缺二崗名阮通志

瓊州府志

卷二十一

海黎 關隘

榮水山門在水尾柵西南四十里為南黎西黎五

崗出入總路西通儋臨東接定安兩山對峙若

門戶倘遇行兵宜於此地守險設伏扼其咽喉

與水尾柵互相聲援採訪冊

紅茂生黎村在縣南三百 十里距水尾柵二百

七十里東通定安紅毛崗西通儋州龍頭等崗

南通崖州樂安城北即五指山麓民人罕至其

地若於此村開山鑿路南北不過百餘里東西

三五十里始得直捷而十字之形成矣同上

水會寨在縣西南三百里明初建立大坡寨防守

居祿居林沙灣三崗萬曆二十八年設水會守

禦千戶所於水蕉村築城設參將鎮守城大清

志一統考其地當在今瓊山定安之間明兵備林

如楚議開十字路謂此城東達萬陵西通儋感南出瓊定已成丁字之形今查城久圯廢故址猶可訪尋惟東西二路並無直徑可通儋感萬陵或當時初開有徑尋就湮沒據今地勢則不若紅茂村爲適中要道開十字路於此更近探訪

冊

金拋嶺在水尾柵東二十里

加潘嶺在水尾南七十里

五指山在水尾南七十里

瓊州府志

卷二十一

海黎關隘

一一

員滿嶺在柵南三十里

那辨嶺在柵西南二百二十里

紅茂嶺在柵西南二百七十里

管門嶺大山嶺在柵西四十餘里以上諸山皆生以上諸山之皆

插旗嶺至合嶺在柵西三十餘里

高山嶺在柵西南一百二十里以上諸山之皆熟黎居之

水道三俱發源於五指山一由定安入本縣境爲

北冲河一出儋州一經澄邁臨高入海俱同上

澄邁縣

西峯寨在縣西五十里西去臨高縣七里宋政和間瓊管帥郭華請於澄邁置西峯寨臨高置定

南寨以阻扼黎人由是道路無梗一統大清今

西峯寨已廢其地熟黎久編圖甲冊探訪

澄邁巡司在縣西北十里明洪武中置今因之但無防黎之責舊志尙有免穎巡司在縣南一百六十里銅鼓巡司在縣西南一百一十里皆洪武中置今廢一統大清志

那拖市在縣西南十里元設那拖捕巡司明萬曆

中移於縣西六十里森山市今裁阮通志而森山

市猶存

定安縣

五指黎母諸山在縣南四百餘里黎人環居山下

瓊州府志

卷二十一

海黎 關隘

三

內爲生黎外爲熟黎熟黎所居已阻且深生黎之巢人迹罕至唐乾封中黎母山賊陷瓊州據之貞元九年州始仍爲唐境元至元二十八年黎叛濶里吉思等討平之空其巢穴勒石五指山洪武二十年亦嘗大舉師徒攻毀巢峒登黎婺山巔二十八年崖州黎復叛大軍進討直抵巢穴而還廣記議者嘗以五指山居州邑之中爲吾內患宜於兵威削平之際開十字大路大約以道里計之自府治至崖州千里而近自儋州至萬州六百里而遙此四至徑一之大凡也細數之自府治至沙灣三百里而遙自崖州至

羅合三百里而近俱爲坦途矣度其中未開道處不過二百里若大集軍民士兵通力合作相其谿壑測其險阻假以數月而瓊崖之路可由黎崙中行矣儋萬視此其工則又殺焉

方輿要

太平鎮在城南一百五十里舊設青寧巡檢司在縣西馬羅市康熙二十三年移置隆門市雍正八年改設太平汛

大清一統志

移駐太平建柵復

置太平汛鎮標左營派防千把一員兵四十名與思河光螺二嶺熟黎接界爲諸崙出入門戶今黎人歸化日多南距五十里始入熟黎境又一百八十餘里始入生黎境如遇行兵此地可

瓊州府志

卷二十一

海黎關隘

四

屯糧置寨

探訪冊

統志云舊有寧村巡司在縣東南六十里明洪武中置今裁

積背營在縣南境志云縣境思河光螺崙水雲嶺背等村黎嘗搆瓊山縣境內諸黎爲患因設南倫營防守明嘉靖十三年勦平改設今營

廣東輿圖

茲查舊營已廢尙有嶺背市在光螺都距縣二百里與瓊山水尾黎交界爲西路防黎要隘

探訪冊

海忠介言黎崙地四方僅可三四百里不及羅旁三之一誠能以兵三五萬縱橫其中勢同壓卵

蕩平之後伐山開道立州縣以治之移一二屯所居南流清寧等處以守之不過數年可使盡入版籍化爲編民其亦王者無外之舉也所云南流清寧卽今太平嶺背等處同上

南閭嶺亦名三尖嶺在城西南二百里高千餘丈連綿百餘里熟黎環居其下此處設有營汛廣東

輿圖南閭崗地夷曠民樂居之現充里甲惟光螺

思河原係黎崗出沒之衝時爲民患郡國利病書今

縣屬生熟黎崗地廣人稠四通八達居五指黎母之間自縣東南九十里入南嘜崗與萬州樂會黎崗通西南一百里爲南蛇崗與儋州黎通

水滿崗與感恩黎通加釵崗與陵水寶停黎通十萬崗紅毛崗與崖州黎通故縣屬諸崗皆防黎扼要之所全郡安危繫之而加釵紅毛十萬三崗尤險惡進兵不易探訪冊

嶺門汛在嶺門市南二十五里自郡城東南九十里至山門舖又八十里至山馬市又七十里卽嶺門汛爲入黎要隘自汛南經熟黎境五六十里至生黎界有小徑可穿黎山而行過生黎番陽魔鬼兩大村凡四百餘里直至崖州樂安汛城山徑險仄不能容車馬行者須僱熟黎一人爲鄉導率裹糧攜水而入山中物切勿入口其

番陽魔鬼兩村生黎極衆田土平曠近多文昌
貧民潛往砍藤取香遂通此徑惟水土極毒若
行兵宜從此偵探並設兵防堵使不得勾通諸
崗最爲要害

水道四其一發源大五指山東南經加釵紅毛諸
黎崗而至南蛇崗其一發源於黎母山之東出
感恩黎崗仍折入南蛇崗二水合流北經思河
南閭諸嶺而至樂會爲萬全江至會同爲多河
江入海其一亦發源五指山南經黎崗數折出
臨高瓊山復入縣境是爲建江其一發源南閭
嶺北經縣域名滿白溪與建江合流出瓊山境

瓊州府志

卷二十一

海黎關隘

六

入海

俱同上

文昌縣

焚艘鎮在縣西北九域志縣有焚艘一鎮蓋在焚

艘山下故名

大清一統志

白延架營在縣西南防斬脚崗黎羊賊志云縣境
村崗凡三十有五處

方輿紀要

今有白延村其地已

爲民居

探訪冊

會同縣

銅囂鎮在縣東南十五里舊有巡司今廢

方輿紀要

按會同無黎舊志云分縣時黎崗皆隸樂會然
南接樂會北崗熟黎西連定安水滿南蛇二崗

生黎嘉積以南時有黎患尙應防守冊探訪

樂會縣

樂會關隘有挾勢波沙牛壩志郝通

豬母營在縣西一百五十里乃縱橫崗及定安思

河光螺咽喉之所自縣入黎境此為門戶明初

置營守之今裁一統大清志豬母營在縣西南防

守加畧中心等村生黎又有沙牛壩營防葵根

水口等村黎皆撥民兵戍守紀方要今查其地在

縣西一百四十里據定會萬樂之中樂縣城入

黎地此為要隘宜分撥萬州營兵防守如遇東

路黎人滋事則屯重兵守此四面進兵聲息皆

瓊州府志

卷二十一

海黎 關隘

七

通且道路坦平水土不惡可以久駐營寨冊探訪

風門嶺在城西南七十里高百餘丈上有瀑布懸

流諸黎出入咽喉之地南屬萬州北屬樂會東廣

輿圖

俊口距縣城西一百數十里居南北二崗之中北

即豬母營為入黎隘口向無汛防今由縣捐僱

民壯並移撥萬州營兵二十名每年冬季設卡

防範至次年正月撤回倘黎人滋事分兵守此

山口可以遏寇抄之路由此進兵直達五指山

下道亦寬平冊探訪

上水灣 中水灣 下水灣距縣城一百餘里居

南北二崙之中諸黎必經之地有間道西通定安五指山下生黎東通俊口豬母營要隘一水迴環如塹外連大江設遇黎人爲患宜分兵屯此與俊口聲勢聯絡所隔絕南北二崙使萬州定安兩路黎不能相應

三更村在縣西北一百十里北崙熟黎所居與定安紅毛生黎接界村北卽嶺門市二縣生熟黎與民人貿易皆於此聚集若黎人滋事先扼要守此村則西路各州縣黎崙不能會合

打老駙村在縣西南二百餘里與萬州黎接界水土最惡村南卽萬州中邁市民黎出入貿易必經此村如用兵入黎則先取此村斷其右臂使東路萬陵諸黎不得應援

三道嶺在北崙三更村內跨連定安南閭思河諸黎

吉嶺加畧嶺力穩嶺俊口嶺皆在縣西一百餘里熟黎居之與定安生黎錯處外接會同縣民村金雞嶺在縣西八十里入黎要路嶺西卽豬母營六連嶺在縣南九十里與萬州黎接界爲南崙後戶用兵時宜防堵民黎出入

水道二一自定安入縣境黎崙經柳子市東繞縣城入海爲萬全江一發源五指山自東折而北

與定安合流繞西南出萬州復歸縣境入萬全
江迴環萬樂黎境中四百餘里上俱同

臨高縣

南定營在縣西南一百里舊志明萬曆十七年置
於番豹山復移居蹄村更名南畧營 國朝復

名南定汛一統大清志儋州營撥外委一員兵四

十名防守冊探訪

博頓營在縣西博頓港口外達海濱內接黎境舊
有儋州營弁兵防守今移駐海頭港改歸水師
名海頭汛其博頓舊汛改爲墩由石牌汛分兵
防守上同

瓊州府志

卷二十一

海黎 關隘

九

那零營在縣南又南有屯建營俱防生熟黎人劫

路今廢志通

和舍巡司在縣北二十里明洪武中置博鋪港巡

司 國朝雍正十二年改名和舍司一統大清志

職專稽查民黎出入據阜青番溪二崗之中冊探訪

冊

番溪崗距縣城一百四十里內黎村凡十有四而
番溪蘭揚二村皆入黎要路山徑險仄水土惡
劣蘭揚市爲生熟黎與民人互市之處黎人出
入必由之路昔時土匪黎賊往往竊發宜設卡
撥兵巡防

阜青崗距縣城一百八十里內村凡十有六俱係
熟黎附近民村其入黎要路則南豐市爲關隘
總口如兩路黎匪滋事宜以重兵扼守與儋之
調南市相爲犄角俱同上

舊志有定安巡司在縣東三十里明洪武中置正
統中省又田牌巡司在縣南十里亦洪武中置
今裁大清一統志

林司崗在城南八十里舊設有土舍分兵汛守廣東

輿圖今廢亦無林司崗名

水道一發源五指山二百里至縣屬番溪崗百步
口東流出澄邁新江歷定安建江經瓊山境達

瓊州府志

卷二十一

海黎 關隘

十

於海其餘黎山之麓多小溝澗泉分流諸村俱

滙同入海採訪冊

儋州

州外環瀛海內扼黎狸襟帶瓊崖至爲唇齒方輿紀要

歸姜寨在州東北四十里明洪武初置巡司於此

尋廢宏治中復置寨又田頭寨在州西南四十

里亦宏治中置大清一統志

山石寨在州界成化五年七坊崗黎符那南叛官
軍討之憑險阻不下旣而破其上下多那山口

砦追擒之於落賀州并平其黨姜花等崗方輿紀要

薄沙巡司在州西南八十里明洪武中置安海巡

司口國朝雍正八年移置薄沙汛舊志有鎮南
巡司在州西南四十里明洪武中置今裁大清

志一統

馬蝗山在州東三十里以形似名俗傳漢將曾屯

兵於此蓋其地嘗爲戰場也方輿紀要

調南市距州城九十里自調南市東南三十里至
那浮舖又十里至鎮南市二十里至黎境爲七
坊崗龍鳳村自龍鳳村六十里至馮墟崗呀汪
村自呀汪村六十餘里至薄沙崗狗革嶺自狗
革嶺入薄沙內崗與瓊山縣黎大小水崗接界
計一百餘里以上諸處皆防黎要害之地而調

瓊州府志

卷二十一

海黎 關隘

十一

南爲入黎之總隘四崗生熟黎出入貿易亦必
由此道光十三年黎賊爲亂官兵由此征進嘗
設營屯駐數月今儋營薄沙汛撥千總一員兵
九十名防守乃儋州防黎第一要隘探訪冊
堆峩嶺狗革嶺二山相對如門戶相距三四十里
山前卽南豐市屬臨高縣今爲南定汛儋州陸
營撥把總一員兵九十名駐防距州城一百四
十里自南定汛至龍頭崗那排村八十里與薄
沙外崗交界崇山峻嶺惟鳥道一綫可通乃馮
墟龍頭七坊三崗鎖鑰要地生熟黎出入必經
之路若用兵入黎當以此爲扼要宜以重兵守

之附近落呀村那白口兩處亦有間道可進兵
落呀村可札營戍守是儋州黎境之險要者也
海頭市距州城一百四十里舊設安海巡檢司後
裁今統歸薄沙巡檢轄外通居海港入接黎岐
諸崗出掠此爲至近入七坊崗之坡尾水頭二
村凡一百一十里與昌化縣黎交界爲儋崖昌
感諸黎及客民貿易之區此亦民黎交錯之要
隘向無營汛道光十六年將博頓汛弁兵改爲
水師移駐於此

田頭市距州城六十里東至黎之大炮市新洋市
四十里入黎境經峩口打賀打表下河邊諸黎
村共六七十里至七坊崗內樂洒村南距一百
餘里與馮墟崗接壤民人與黎岐交易往來皆
由此道黎賊出掠亦必由此道入民村外瀕海
港又爲客舟漁艇屯聚之所海黎滋事首先被
禍乾隆間數被擄掠道光十二年又罹黎患宜
撥兵勇設卡防堵此又海黎兼備之要隘也

王五市距州城三十里南至大營市二十里自大
營市入黎境之落苗村四十里有青白嶺三十
里至七坊崗有尖嶺又八十里與馮墟崗交界
州治入黎諸道此爲至近若進兵黎崗此其一
路也

水道四一自沙鍋嶺發源經那大市興潮市長坡市繞州城北由新英港入海一自筆架嶺發源經催鹿市調南市王五市合新英港入海一發源於催烟狗革二嶺之間經馮墟崗七坊崗由海頭港入海一發源於掛榜山經永昌市將軍市抱舍市至各水河分支流散入臨高界出海

俱同上

昌化縣

德霞砦在縣東南地勢平行黎賊巢於此嘉靖十九年斥奪其地議建城邑既而中止二十八年黎復叛議者復請建城砦於此據其膏腴仍由

瓊州府志

卷二十一

海黎 關隘

十三

德霞沿漢水以達縣治

方輿紀要

三义河口距縣城八十里爲河水分流之處縣屬黎人出入要區東北諸黎村俱由此道出與民人通市東南黎村與感恩縣黎交界如遇黎岐滋事此可設營爲進兵總路

探訪冊

水道三一由五指山發源分流至縣西南入烏坭港入海是爲崔公河一發源於松榷嶺經落味嶺出感恩縣東南界入海一發源於坡梅嶺經三角嶺永安塘新港塘由海尾港入海

同上

萬州

蒲苧營在州西北防鷓鴣啼等村崙黎最爲襟要

又南嶺營在州西其相近有黃坎改林抱打羅透表羅眉無俗等村黎爲患特設官兵戍守之云州北有沙牛壩營防迤北龍吟青山與樂會縣縱橫崗葵根水口等村諸黎今亦見樂會縣馭北營在州西南隅州境與陵水縣合界午嶺海灣路口諸黎又有鎮南營在州東南其相近有南港蓮塘蓮岐大塘新潭諸港澳俱海寇出沒處設兵瞭守宋志云州境有買扶諸崗黎舊嘗梗化端平初效順

方輿紀要

龍滾巡司在州黎地寶停汛雍正八年設舊有蓮

塘巡司在州東宣義都明置見輿地考

大清一統

瓊州府志

卷二十一

海黎 關隘

十四

志

萬州舊有民黎九都熟黎九十三村西南則鷓鴣啼崗與陵水黎亭等崗潛通北則龍吟崗與思河縱橫二崗潛通不復統於土官時出爲患

郡國

利病書

岐崗在州西北岐人所居岐人又在生黎之外亦有生熟二種在五指山中歷代不賓黎人懼之隋志所謂匏也永樂三年曾設土官統之尋革宏治中始爲寇正德七年官軍討之不克嘉靖以來嘗爲寇暴黃氏曰黎外有岐黎所懼者岐也生岐疆界出瓊抵崖不過三百餘里自儋達

萬不過二日餘程俟彼三八月饑荒分兵四面
開示信義彼必聽從乘此開路可立衙門岐旣
從而黎伏矣方輿紀要

坡心汛距州城六十里爲北崗要隘向設弁兵防
守故無黎人外出劫掠近年黎匪滋事往往由
禁嶺脚越出爲患今已於禁嶺脚添設棚卡冬
季由地方文武派撥兵勇堵截外來黎匪最爲

扼要

採訪冊

長沙汛距州城八十里爲西崗要隘舊有弁兵駐
守州屬黎人向稱馴帖近有外黎侵擾每由汛
東士名清明田地方潛出今已定於冬季添設

瓊州府志

卷二十一

海黎關隘

十五

棚卡派撥兵勇防堵西北二路以上二處防範
宜嚴

水道五一自禁嶺發源流經青山墩入海一自坡
心汛流經大宅藪入海一自牛漏市流經后安
市入海一由三水市流出爲踢容河又經西門
塘入海皆發源於大五指山至州境始分支流
爲四俱同上

陵水縣

寶停鎮在陵水縣 國朝雍正八年自萬州寶停
汛改歸陵水今設有巡檢司大清一統志

□嶺鎮在縣北二十里有巡司通志司在萬州陵

水間爲海灣平陽之地多盜賊爲腹心患司南
有地名南尙議建鎮南營於此增設官兵并移
牛嶺司佐之司北有地名楊梅議建馭北營於
此亦增設官兵并遷蓮塘巡司佐之庶官民商
旅往來可以無患云海防志縣舊有苗山巡司

方輿
紀要

絡索營在縣西北有官防挑油信昧山澗打縵朝
纏凡遐等村黎又有鴨塘營防壽山蘆嶺諸黎
最險惡又合水營在縣西其相近有白水回峯
番扒若那龍等村黎爲患特設官兵戍守又縣
東南有水口黎菴等港門海寇易入皆撥兵瞭

瓊州府志

卷二十一

海黎 關隘

十六

守

同上

南蓮嶺在城北二十里高二十餘丈下有南邁營

廣東
輿圖

獨秀山在縣西南一里一峯突起亦名文筆山又
小五指山在縣西南一百里生黎崗中與崖州
接界脈接黎母山屹立數峯黎人環居其下有
溫郎嶺脚二崗外險而內夷明嘉靖二十八年
科臣鄭廷鵠言溫郎嶺脚實萬州陵水之衝大
軍攻黎賊必合二崗以擾我陵水當分奇兵出
此使二崗賊自救不暇然後大兵直擣崖賊巢
穴黨渙勢分可以得志是也又加枕山在縣西

界宏治十三年黎亭崗黎陳那洋等作亂官軍討之至加枕山進兵大播山賊平方輿紀要

縣北有黎亭南有嶺脚嶺由葫蘆門而出黎亭由黎羅而出又有東北肖有大牛嶺小牛嶺爲往來必由之路黎人時出遮道爲寇郡國利病書

大坡營距城四十里白茅營距城六十里兩營相距二十五里爲黎人出入要區前明嘉靖間都御史蔡經調兵十萬進剿黎亭嶺脚查黎亭卽大坡營在縣西北嶺脚卽白茆營在縣正西中隔大溪今每營撥兵四名防守縣屬各弓黎人必經此出與民人貿易可屯兵設營爲東南諸

瓊州府志

卷二十一

海黎 關隘

十七

州縣熟黎關隘至縣屬生黎則以寶停柵爲要

害採訪冊

水道二一自全親塘嶺下發源流經馬嶺弓白茅塘爲北關大溪由水口港入海一自亮一圖土山發源流入大溪分經大坡營土名溪仔又合大溪水歸水口港入海同上

崖州

州山林環遶黎獠錯雜屹峙海濱最爲艱遠嶺表

之絕徼溟南之奧區也方輿紀要

州有迴風門迴風嶺三亞港諸關隘郝志 通

朱崖軍鎮二熙寧六年省吉陽寧遠二縣爲鎮臨

川軍東八十里藤橋軍東一百里鄉二九城

藤橋鎮州東二百二十里有巡司方輿紀要

合水營在州東與陵水縣接界又牙力營在州東

北皆特置官軍防羅活千家多濶等黎賊嘉靖

二十八年大征遺黨無幾今營廢同上

樂安營在州西北一百五十里地名爛紅溝明萬

曆四十二年設築城周四百丈又樂平樂定藤

橋小橋共五營 國朝撥千總駐樂安營分防

樂平營又又撥把總駐小橋營分防藤橋諸汛

大清一統志

羅活砦在州東北其地膏腴黎賊嘗據此曰羅活

瓊州府志 卷二十一 海黎 關隘 十八

尙嘉靖二十八年黎叛議者謂當於此處建立

州縣設耕屯且由羅活歷漸開路以達定安使

道路四達以懾奸萌云其最著者曰羅活曰抱

宥曰多濶曰千家而千家尤密近官道為諸黎

門戶成化末嘗征定之正德初復橫尋討平於

是州境少事方輿紀要

樂安巡司在州樂安汛舊設有抱歲巡檢司在州

西七十里 國朝雍正八年改設大清一統志

永寧巡司在永寧鄉藤橋市舊有通遠巡司在州

西一百三十里郎鳳嶺下即宋通遠縣地 國

朝乾隆五年改設

郎勇城在州東北八里黎賊出沒之衝明正德中知州陳堯恩築城募兵防守今圯上俱同

三亞山口距州城九十五里爲東路熟黎地山下有民村曰羊欄村土名大段坡平原廣濶土水不惡可屯兵駐營如州東黎人有警卽由土壇頭汛溝口汛一路可入黎峒接應糧運皆便由此退回州城亦屬要道城當東黎之衝最關扼

要採訪冊

油柑坡距□城一百二十里又西三十里有石門兩山對峙如門中間仄徑可通最爲險要向來黎亂往往先據此險過此有平坦地周圍可十

瓊州府志

卷二十一

海黎 關隘

十九

餘里可安營寨如屯兵於此必分兵守石門以便策應勿爲黎賊所得從此經抱腊山口直入黎峒退則由樂平汛抵樂安或由抱蘊回州城均屬便利此州西入黎之要路也

榕尾山距州城二十五里山北向設汛防有崖州協陸營把總駐防與溝口汛俱橫插黎□使東西諸黎不得連合據其腹心最爲扼要昔年崖黎叛亂此地洋淋諸村恒爲首惡以中有腴田數十頃黎人耕之戶口蕃庶物產豐饒爲西北諸大峒憑依之所黎賊必偷越此路外出劫掠偵探道光九年至十一年張紅鬚等據洋淋樹

柵爲亂若此路進兵必由榕尾然中隔洋淋大嶺當於落基落豪一帶熟黎地擇形勝分立一營樹柵屯守以爲退步蓋此處山深林密易藏伏兵黎所恃者險耳宜用鈎刀濶斧隨砍隨焚開通道路步步爲營進可破敵退可自守方爲萬全上策

水道二一自官坊黎村發源西經抱古汛奉養斗只強等黎村滙爲龍潭又過落基落豪兩村經榕尾山口與募黎水合又繞州城折而西入保平港歸海一自募黎抱龍兩村發源經溝口田間與官坊水合復分繞城東折而南入大蜚港

瓊州府志

卷二十一

海黎 關隘

二十一

歸海

俱同上

感恩縣

延德鎮在縣東南八十里有巡司因廢延德縣而名或云縣蓋置於此又縣門港在縣南志云縣有南港嶺頭白沙南北溝諸處皆有官兵防堵黎賊又黎港在縣西北縣南又有抱架港白沙灣皆濱海水深寇船易入撥兵哨守方輿要小黎母山在縣東一百五十里脈接黎母山至此山峯特竦崖石崎嶇人跡罕至羣黎環居其下元時討叛黎嘗駐軍於此今石刻猶存又黎虞山在縣東五十里山高廣黎人虞獵處也同上

南港村距城六十里村之中段地名嶺頭塘有東西兩巖下有溝二土名雙溝夾岸皆崇山毒箐人跡少至崖州生黎時越九炳山得夏村至此潛伏溝旁或兩山險隘處以鈎刀毒矢伺劫行人甚或出掠民村得卽颺去今設棚卡添撥兵勇防堵此爲感恩防黎要害其餘東北境有小嶺農飢高地等村東路有陀乍陀興白穴等村東南路有漸厚村皆黎人出入門戶亦縣屬要隘宜分兵巡防

採訪
冊

水道二一發源大黎母山流八昌化大河出海爲昌感兩縣分界一由昌化大河分派而來經小

瓊州府志

卷二十一

海黎 關隘

二十一

黎母山下又分爲小水溝流至縣門港爲小河

入海

同上